

# Շոգովուրդ

172  
(2838)

2 դեկտեմբերի շաբաթ 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ԻՆՉՊԵՍ ԿԾԱԽՍԵՆ ԲՅՈՒՋԵՆ



Երևան քաղաքի բյուջեի նախագիծն արդեն ներկայացված է հանրային քննարկման հրավերով ակտիվ նախագծերի հրապարակման միասնական հարթակում: Հանրային քննարկման ժամկետը մինչև դեկտեմբերի 5-ն է, դրանից հետո նախագիծը քննարկվելու է Երևանի ավագանիում դեկտեմբերի 26-ին կայանալիք նիստում: Նախագիծը կայքում դիտվել է 255 անգամ: Ներկայացնելը փոքրիկ մասեր, թե ինչպես է պատրաստվում Ավինյանի դեկավարած կառույցը ծախսել դեֆիցիտ ունեցող բյուջեն: Օրինակ՝ աշխատակազմի մասնագիտական զարգացման ծառայությունների համար նախատեսվել է 26 մլն դրամ 33 օրենսդրությամբ նախատեսված համայնքային ծառայողների վերապատրաստման եւ նեղ մասնագիտական ու կրմաբեռնիչների վերապատրաստման համար աշխատակիցների մասնակցելու գործընթացը ապահովելու համար: Հարցն այն է, որ մասնագիտական զարգացման կարիք կա ամբողջ քաղաքապետարանում: Հետո անհասկանալի է այն փաստը, որ քաղաքապետարանն ավելի շատ գումար հատկացրել է գրասենյակային նյութերին եւ հագուստներին, քան վերը նշված մասնագիտական զարգացմանը: «Գրասենյակային նյութեր եւ հագուստ» հոդվածով ծախսերը ծրագրվել են 69 մլն դրամ, ինչը ավելի է 2023 թվականի հաստատված ցուցանիշից 7 մլն դրամով. հաշվարկվել են՝ հաշվի առնելով գործունեության համար անհրաժեշտ գրասենյակային նյութերը: Հավելենք նաեւ, որ հազիվհազ ընտրված ֆրակցիայի բյուջեում, ինչպես իրենց դեպքում հաճախ է լինում, առեւելի գումար է հատկացված կենցաղային եւ հանրային սննդին: «Կենցաղային եւ հանրային սննդի ծառայություններ» գծով նախատեսվել է 33 մլն դրամ 2023 թվականի 30 մլն դրամի դիմաց. ավելացումը հիմնականում պայմանավորված է գնաճով եւ նախատեսվում է տնտեսական ապրանքների ձեռք բերման նպատակով: Բյուջեի քննարկումներից հետո սպասելք է տեսնել, թե նման ավել ծախսերը որ ընկերություններից են կատարվելու, եւ որ իշխանական է հարստանալու:

Դեկտեմբերի 4-ին ԱԺ-ում կքննարկվի «ՀայաԲլոկ»-ի քաղաքացիական օրենսդրական նախաձեռնությունը: Պետաիրավական հարցերի մշտական հանձնաժողովը, ըստ ամենայնի, բացասական եզրակացություն կտա օրինագծին, եւ այն նույնիսկ չի ընդգրկվի ԱԺ լիագումար նիստերի օրակարգում: Զարմանալի «զուգահեռությամբ» նույն օրերին՝ դեկտեմբերի 5-ին եւ 8-ին, տեղի են ունենալու նաեւ «ՀայաԲլոկ»-ի համակարգող Ավետիք Զալաբյանի դեմ արդեն մեկուկես տարի ձգվող քրեական գործի դատաքննության ամփոփիչ լուսմները, եւ դատավոր Մնացական Մարտիրոսյանը կարդալու է դատավճիռը: Ամիսներ շարունակ կալանավորում անցկացրած Ավետիք Զալաբյանի դեմ այս քրեական գործը, ինչպես հետո պիտի պարզվեր, ամբողջապես շինծու մեղադրանքով էր՝ իբր հավաքի մասնակիցներին նյութապես շահագրգռելու հիմքով: Պարզապես, ինչպես տասնյակ այլ ընդդիմադիր գործիչների, Զալաբյանի դեպքում էլ իշխանությունը նրա քաղաքական ակտիվությունը փորձում է կասեցնել նրա դեմ քրեական հետապնդմամբ:



Եւ 2018 թվականի հուլիսի 20-ին Նիկոլ Փաշինյանը հայտարարում էր, որ վարչապետի լիազորությունները նվազեցնելու ուղղությամբ քայլեր ձեռնարկելու մտադրություն է առկա: Դրանից հետո նրա քայլերը հակասում են հայտարարություններին: Բանն այն է, որ Փաշինյանին եւս մեկ լիազորություն կտրվի: Այսուհետ ԱԱԾ ծառայության տնօրենին եւ նրա տեղակալներին կնշանակի եւ կազատի ոչ թե նախագահը, այլ վարչապետը: Որպես հիմնավորում՝ նշվում է այն հանգամանքը, որ ծառայությունը ենթակա է հենց վարչապետին: Այսպիսով, Նիկոլ Փաշինյանին եւս մեկ լիազորություն կտրվի, իսկ նախկինում նույն Փաշինյանը բողոքում էր սուպերվարչապետությունից:



«Լավանդա-նորֆարմ» ՍՊԸ-ն, որը պատկանում է ԱԺ նախկին պատգամավոր, գործարար Արայիկ Հայրապետյանի ընտանիքին, ՊԵԿ-ի հետ էութան, Պետական քաղաքականության մեջ: Մեզ հայտնի դարձավ, որ ցանկանում են 04.10.2023թ. արձանագրությունն անվավեր ճանաչել: Ըստ էության, Պետական եկամուտների կոմիտեն տուգանել է նախկին պատգամավորին պատկանող ընկերությանը, եւ նա, չհաշտվելով տուգանքի հետ, այն վիճարկում է դատարանում: Նկատելք, որ նախկին պատգամավորի շուրջ սա միակ պատմությունը չէ, որ պտտվում է: Այս տարվա նոյեմբերի 23-ին Քննչական կոմիտեից հայտնել էին, որ քննությամբ պարզվել է՝ ֆիզիկական անձ Ա. Հ. -ն, հանդիսանալով գույքերի իրական սեփականատեր, այլ անձի՝ Ն. Ա. -ի անվամբ իրականացրել է կառուցապատման եւ բնակարանների օտարման գործունեություն Երևան քաղաքի Ազատության պողոտա 1/10, 1/31, 1/32, 1/34, 1/38, 1/40, 1/41, 1/42 հասցեներում գտնվող «Պրեմիում Հաուս» բազմաբնակարան շենքերի թաղամասում: Նախնական համաձայնությամբ հաշվարկներում խեղաթյուրված տվյալներ մտցնելու եւ հարկման օբյեկտները թաքցնելու միջոցով առանձնապես խոշոր չափերով հարկեր չվճարելու նպատակով, բնակարանների օտարման գործարքների փոխարեն, նա կնքել է բաժնային սեփականության օտարման գործարքների պայմանագրեր, որի հետեւանքով պակաս է հաշվարկվել եւ չի վճարել շուրջ 500.000.000 ՀՀ դրամի հարկ: Հանցանք կատարած լինելու անմիջականորեն ծագած հիմնավոր կասկածի հիմքով՝ վարույթն իրականացնող մարմնի կողմից կայացված որոշումներով Ա. Հ. -ն եւ Ն. Ա. -ն ձերբակալվել են: Նախաքննության ընթացքում ձեռնարկված մեծածավալ վարույթային եւ քննչական գործողությունների արդյունքում ձեռք բերված անհերքելի ապացույցների ճնշման ներքո վերջիններիս կողմից ներկայացվել է շուրջ 500 մլն ՀՀ դրամի լրացուցիչ հարկային պարտավորությունների վերաբերյալ եկամտային հարկի տարեկան հաշվարկ, եւ պետական բյուջե է վերականգնվել շուրջ 250 մլն ՀՀ դրամ գումար: Նախաքննությունը շարունակվում է: Նշենք, որ «Պրեմիում Հաուս» թաղամասի կառուցապատողը հայտնի գործարար Լավանդայի Արայիկն է՝ Արայիկ Հայրապետյանը: Նա Արթուր Բաղդասարյանի ՕԵԿ-ի անդամ էր, իշխանափոխությունից հետո համարվեց տեղավորվել էր նոր իշխանության «սրտի օլիգարխների» շարքերում ԹՊ-ի տանիքի տակ: Կարծես թե, իրավիճակ է փոխվել:



ԶՐՈՒՅՑ

# ԻՆՉՈ՞ՒՒՆ ԵՒՍՏԵԸ ՉԻ ԿԱՅԱՑԵԼ

«Ժողովուրդ» օրաթերթը գրել էր, որ Արթուրյանի սանձազերծած ագրեսիայի հետևանքով Արցախից Հայաստան ճեղքափոխված դասգամավորները մտադիր են եղել այս Ժառանգ Աժ արտադրող գիծ հրավիրել: Մեր ճեղքվածություններով Արցախի բոլոր խմբակցությունները նախնական զվե են միասին մասնակցության իրենց համաձայնությունը, սակայն միայն չի կայացել:



«Ժողովուրդ» օրաթերթի հետ զրույցում Արցախի Աժ պատգամավոր Մետաքսե Զակոբյանը նշեց, որ նիստը տեխնիկական պատճառներով չի կայացել, բայց առաջիկայում անպայման Աժ նիստը կկայանա:

-Տիկին Զակոբյան, այս Ժառանգ մտադիր էիք Արցախի Աժ նախ հրավիրել. ինչո՞ւ նիստը չկայացավ, ո՞րն էր պատճառը:

-Նիստ, այո, պետք է լիներ, բայց մինչև նիստը հանձնաժողովի նիստ պետք է լիներ, ինչը տեխնիկական խնդիրների պատճառով չի կայացել, բայց այնպես չէ, որ Աժ նիստը չի կայանալու:

-Իսկ ե՞րբ կկայանա նիստը:

-Հավանաբար առաջիկայում:

-Տիկին Զակոբյան, մամուլը գրել էր, որ մինչև նիստը նախագահ Սամվել Շահրամանյանը հանդիպել է իշխող «Ազատ հայրենիք-ԶԱԴ» խմբակցության պատգամավորների հետ, խնդրել է միաժամանակ ոչինչ չձեռնարկել, նիստ չհրավիրել, մինչև ինքը որոշ հարցեր հստակեցնի: Իշխող ֆրակցիայի պատգամավորներն էլ այդ օրը չեն եկել նիստի, դրա համար էլ այն տապալվել է:

-Այդ հարցը ճիշտ կլինի ուղղել «Ազատ Հայրենիք ԶԱԴ» խմբակցության պատգամավորներին: Նախորդ Ժառանգ Արցախի Աժ բոլոր խմբակցությունների պատգամավորներն են հանդիպել Սամվել

Շահրամանյանի հետ Արցախի ներկայացուցչությունում, բայց տեղյակ չեմ առանձին հանդիպում «Ազատ-Հայրենիք ԶԱԴ» խմբակցության պատգամավորների հետ եղել է, թե ոչ:

-Իսկ ի՞նչ հարցեր եք քննարկել նրա հետ:

-Հիմնականում մենք՝ պատգամավորներս ենք հարցեր ուղղել Շահրամանյանին, քննարկել ենք առաջիկա մեր անելիքները, Արցախի կառավարության անելիքների մասին հարցեր ենք քննարկել, ինչպես նաև բռնի տեղահանված մեր հայրե-

նակիցների խնդիրների լուծման հետ կապված մի շարք հարցեր:

-Սամվել Շահրամանյանի հետ Աժ նիստ հրավիրելու վերաբերյալ խոսել էք, ի՞նչ դիրքորոշում է նա հայտնել այդ մասով:

-Այո, Աժ նիստի մասին էլ ենք խոսել, Սամվել Շահրամանյանն էլ մեզ հետ համակարծիք է եղել, որ պետք է նիստ հրավիրվի: Բոլորս էլ այն կարծիքին ենք, որ պետք է քայլեր ձեռնարկվեն, քանի որ Արցախի հարցը երբեք չի կարող մոռացության մատնվել:

Զրույցը ԲԻՍՄԱՆԱ ՍՈՒՇԵՂՅԱՆԸ

## ՆԻՍՏԵՐ

### ԿԳՈՒՄԱՐԵՆ

Հաջորդ Ժառանգ Աժ մշտական հանձնաժողովները նիստեր կգումարեն: Աժ արտադրողի հարաբերությունների մշտական հանձնաժողովը նիստ կգումարի երկուշաբթի՝ դեկտեմբերի 4-ին. այդ օրը հանձնաժողով կգնա Նաև ԱԳ նախարարի տեղակալ Մնացական Սաֆարյանը: Այդ օրը նիստ կգումարի նաև Աժ պաշտպանության եւ անվտանգության հարցերի մշտական հանձնաժողովը. օրակարգում լինելու է 4 հարց՝ Զենքի շրջանառության կարգավորման մասին» օրենքում փոփոխություններ եւ լրացումներ կատարելու մասին, Վարչական իրավախախտումների վերաբերյալ Հայաստանի Հանրապետության օրենսգրքում փոփոխություն կատարելու մասին, «Հայաստանի Հանրապետության քաղաքացիության մասին» օրենքում լրացումներ եւ փոփոխություն կատարելու մասին եւ «Ազգային անվտանգության մարմիններում ծառայության մասին» օրենքում փոփոխություններ եւ լրացումներ կատարելու մասին օրենքի նախագծերը: Երկուշաբթի նիստ կգումարի նաև Աժ պետական-իրավական հարցերի մշտական հանձնաժողովը, օրակարգում 3 հարց է լինելու: Այդ օրը հանձնաժողով կգնա ՀՀ արդարադատության նախարարի տեղակալ Արա Մկրտչյանը: Արդեն դեկտեմբերի 5-ից մեկնարկում է Աժ լիազումար նստաշրջանը, Աժ են գնալու Նիկոլ Փաշինյանը եւ նախարարները:

Բ. ՍՈՒՇԵՂՅԱՆ

## ԲՆԱՊԱՀՊԱՆԱԿԱՆ ՌԻՍԿԵՐ

Մի քանի Ժառանգ առաջ հայտնի դարձավ, որ Վեդի խորհրդակցված համայնքում «Օրդգրուպ» ընկերությունը նախատեսում է ցեմենտի գործարան կառուցել, որին դեմ էին արտահայտվում համայնքի հարյուրավոր բնակիչներ ու մասնագետներ: Վեդու համայնքապետարանում կազմակերպված լուսամտերի մասնակիցները հայտարարում էին, որ մարզում արդեն իսկ երկու ցեմենտի գործարան կա, երրորդը ոչ միայն ավելորդ է, այլև խիստ վտանգավոր ու ռիսկային եւ կարող է բնապահպանական լրջագույն վնաս հասցնել համայնքին: Ներկաների համար նախ չափազանց տարօրինակ էր, որ համայնքի համար կարտեռագույն այս քննարկմանը չէր մասնակցում համայնքապետ Գարիկ Սարգսյանը. նրան փոխարինում էր գյուղվարչության պետը, ում լիազորությունների մեջ վտանաբար չէր մտնում նման քննարկման ժամանակ համայնքի անուկից ներկայանալու պատասխանատվությունը: Էլ ավելի տարօրինակ էր, որ ոստիկանական անսխաղեպ քանակի ուժերի ներկայության ու Գարիկ Սարգսյանի բացակայության պայմաններում անցկացված լուսամտերից օրեր անց Գարիկ Սարգսյանը դրական եզրակացություն է տվել խնդրահարույց գործարանի կառուցման նախագծին: Ստացվում է, որ համայնքապետը որեւէ կարտեռություն չի տվել բարցրածայնված բազմաթիվ մտահոգություններին, որոնք վերաբերում էին ցեմենտի նոր գործարանի կառուցման վտանգավոր հետեանքներին, ու, մերը սասծ, թթած է ունեցել թե՛ համայնքի բնակիչների, թե՛ մասնագետների կողմից հնչեցված կարծիքների վրա: Տրամաբանական հարց է առաջանում, թե՛ ինչու է Վեդիի համայնքապետ Գարիկ Սարգսյանը այդքան շահագրգռված խնդրահարույց գործարանի կառուցմանը, որին դեմ են արտահայտվում համայնքի բնակիչներն ու մասնագետները: Բնականաբար, վերջինս ոչ մի հողաբաշխ բացատրություն չի տալիս այս հարցին, սակայն մեծ երեսակայություն պետք չէ հասկանալու համար, թե՛ ինչ շարժառիթներով է առաջ-նորդվում կոկորդիլների բուծման նկատմամբ մեծ սեր ունեցող Գարիկ Սարգսյանը, որը, քաջ գիտակցելով նոր կառուցվող գործարանի վտանգավոր հետեանքները, միեւնույն է, կանաչ լույս է վառել դրա կառուցման համար: Եւ ցավալի է, որ հերթական անգամ անփորձ ու բացառապես սեփական շահի մասին մտածող շինվարների պատճառով մեր պետությունն է փորձության եկթարկվելու ու վտանգավոր ռիսկերի առաջ կանգնելու:

## ԱԿՏԻՎԱՑԵԼ ԵՆ

# ԿՈՐԱԾ ԲՊ-ԱԿԱՆՆԵՐԻՆ ՌԻ ՆԻՍՏԵՐԸ

Իշխող «Բաղաբացիական դայմանագիր» կուսակցությունը վերջին օրերում հաճախակի կուսակցական հավաքներ է անում՝ Նիկոլ Փաշինյանի գլխավորությամբ:

Գրեթե Ժառանգ երկու անգամ իշխանականները հավաքվում են եւ վարչապետի հետ քաղաքական եւ ներկուսակցական հարցեր քննարկում:

Երեքշաբթի օրերին տեղի են ունենում կուսակցության վարչության նիստերը, որը ներկայումս էլ եւ սովորաբար ավելի փակ ֆորմատով, իսկ հինգշաբթի օրերին արդեն Նիկոլ Փաշինյանը հանդիպում է կուսակցության նախաձեռնող խմբի հետ, որը, ի տարբերության վարչության նիստերի, ավելի լայն կազմով է:

Ուշագրավ է, որ վերջին շրջանում ակտիվացել են նաև ԲՊ կուսակցության այն անդամները, որոնք վարույց քաղաքական տեսադաշտում չէին երեւացել եւ շատ պասիվ էին: Օրինակ՝ կուսակցության երեկվա նախաձեռնող խմբի նիստին մասնակցում էր Աժ նախկին պատգամավոր Արման Բոջյանը, որը երկար ժամանակ ակտիվ չէր քաղաքական դաշտում: Նա 2018թ. դեկտեմբերի 9-ին Աժ պատգամավոր է ընտրվել «Իմ քայլը» կուսակցությունների դաշինքի համապետական ընտրական ցուցակով, հետո հայտարարեց մանդատը վայր դնելու մասին: Նույն թվականին, Փաշինյանի որոշմամբ, նշանակվել էր Աշխատանքի եւ սոցիալական հարցերի նախա-



րարության սոցիալական ապահովության ծառայության պետի պաշտոնին, սակայն այստեղ էլ պաշտոնավարեց մեկ տարի:

Արման Բոջյանը նաև ԲՊ կուսակցության վարչության անդամ է եղել: Աժ նախկին պատգամավորը երկար ժամանակ է՝ որեւէ պաշտոն չի զբաղեցնում, պասիվ էր նաև քաղաքական դաշտում, բայց, փաստորեն, որոշել է նորից մասնակցել կուսակցական հավաքներին: Կուսակցության նախաձեռնող խմբի նիստերին մասնակ-

ցում էր նաև Էջմիածնի քաղաքապետ Դիանա Գադպարյանը, որը նույնպես ընդհատակ էր անցել: «Ժողովուրդ» օրաթերթն էլ վերջերս էր գրել, որ Էջմիածնում բարձիթողի վիճակ է, համայնքում շատ խնդիրներ կան՝ աղբի, համայնքապետարանի աշխատանքի, շինարարության հետ կապված, բայց քաղաքապետն անհետացել էր ու չէր զբաղվում այդ հարցերով:

Հիմա, փաստորեն, ԲՊ ընդհատակ անցած անդամներն ակտիվացել են:

ՅԵՐԹԵՐ

ՎԻԶԱ ՍՏԱՆԱԼՈՒ ԿԵՂԾԻՔՆԵՐԻ ՂԵՏՔԵՐՈՎ

ԿԱՅՑԵԼԻ ԳՈՒԲԱՅ

Առողջապահության նախարար Անահիտ Ավանեսյանը վերսկսել է իր ակտիվ գործունեության շարքը: Այս անգամ նա 5 օր անընդմեջ բացակայելու է ՀՀ-ից:

Վարչապետի որոշումներից տեղեկանում ենք, որ Ավանեսյանը դեկտեմբերի 2-3 կմեկնի Դուբայ՝ մասնակցելու կլիմայի փոփոխության հետ կապված համաժողովի, իսկ այնուհետև միանգամից կգնա աֆրիկյան երկրներից Գանա: Այստեղ էլ դեկտեմբերի 5-7 կմասնակցի պատվաստանյութերի մասին համաժողովի:

Նշենք, որ Ավանեսյանի «վոյաժների» մի մասի ծախսերը հոգալու ենք մենք՝ հարկատուներս, քանի որ նա Դուբայում առողջապահության ոլորտի հետ կապ չունեցող՝ Կլիմայի փոփոխության համաժողովին մասնակցելու է բյուջեի հաշվին:

Ոլորտը ծախսողած նախարարը, փաստորեն, շարունակում է ոչ միայն պաշտոնավարել, այլև ակտիվ ճամփորդել:

ԿԱՏԱՐԻ ԲԱՆԱԿՑՈՒԹՅՈՒՆՆԵՐԸ

Կատարը շարունակում է Իսրայելի եւ պաղեստինյան «ՀԱՄԱՍ» խմբավորման միջև հրադադարը շարունակելու միջնորդական ջանքերը՝ չնայած Գազայի հատվածում ռազմական գործողությունների վերսկսմանը: «Ժողովուրդ» օրաթերթի փոխանցմամբ՝ այս մասին հաղորդում է The Washington Post պարբերականը:

Ըստ հրապարակման՝ աղբյուրները հայտնել են, որ Իսրայելը, հնարավոր է, նորից հրադադար հաստատի, եթե «ՀԱՄԱՍ»-ը պարտավորվի ավելի շատ պատանդների ազատ արձակել:

«Մենք հասել ենք գծի վերջին», - ասել է The Washington Post-ի աղբյուրներից մեկը՝ նշելով, որ «ՀԱՄԱՍ»-ն արդեն ազատ է արձակել բոլոր կամ գրեթե բոլոր այն պատանդներին, որոնց նախատեսում էր այս պահի դրությամբ ազատ արձակել:

Ավելի վաղ հայտնել էինք, որ Իսրայելը վերսկսել է ռազմական գործողությունները՝ «ՀԱՄԱՍ»-ին մեղադրելով հրադադարը խախտելու եւ Իսրայելի ուղղությամբ հրթիռ արձակելու մեջ:

Կատարի միջնորդական ջանքերի շնորհիվ ձեռք բերված հրադադարն ուժի մեջ էր մտել նոյեմբերի 24-ին եւ երկու անգամ երկարաձգվել էր: Այդ ընթացքում «ՀԱՄԱՍ»-ն Իսրայելին է վերադարձրել 105 պատանդի, իսկ Իսրայելն ազատ է արձակել 240 պաղեստինցի բանտարկյալի: Հրադադարը նաեւ թույլ էր տվել, որ Գազայի հատված մտնի հումանիտար օգնություն, այդ թվում՝ սնունդ, բժշկական պարագաներ, վառելիք:

Վիզա ստանալու հերթերը ու դրանից առաջացած անհարմարություններն արդեն երկար ժամանակ է, ինչ վաճառականի մեջ են գցում ֆաղափառների: Շատ ֆաղափառներ, որոնք ցանկանում են ամենասարբեր նոյակներով մեկնել Հայաստանից, բախվում են վիզա ստանալու հերթերի ու մի քանի այլ խնդիրների հետ:

Ավելի կոնկրետ ու հասկանալի ասված՝ կատարվում է հետևյալը. դեսպանատունը տրամադրում է շենգենյան վիզա ստանալու համար օրեր, որոնք ամրագրում են քաղաքացիները, սակայն լինում է եւ այնպես, որ մարդիկ ինչ-ինչ պատճառներով հրաժարվում են իրենց հերթից, օրինակ՝ մտափոխվել են, հիվանդ են կամ ցանկացած այլ պատճառով պարզապես ներկա չլինել չեն կարող այդ օրը: Ստացվում է, որ այդ օրը մնում է ազատ: Հաշվի առնելով վիզա ստացողների եւ վիզայի համար դեսպանատան կողմից տրամադրվող օրերի քանակի չհամընկնելը՝ տեղի են ունենում մի շարք կեղծիքներ:

Մասնավորապես՝ անհատներ կամ հատուկ խմբեր օր ու գիշեր 24/7 ռեժիմով թարմացնում են ամրագրումների կայքը, որպեսզի ինչ-որ մեկի հերթը «առաջ գցեն» եւ դրանով իսկ գումար են աշխատում: Դրա համար պահանջում են անձնագրի տվյալներ, էլեկտրոնային հասցե, հեռախոսահամար եւ այլն, այսինքն՝ հնարավոր բոլոր անձնական տվյալները պահանջվում են վիզա ստացողից դեսպանատնում հերթ ստանալու համար, եւ ճարահատյալ քաղաքացին էլ հնարավորինս շուտ վիզա ստանալու համար տալիս է այդ ամենը անհայտ անձանց: Փաստացի այս երևույթը հղի է բազմաթիվ վտանգներով:

«Հերթը առաջ գցողները» ունեն իրենց հատուկ խումբը, որով քաղաքացիները կապ են հաստատում եւ պայմանավորվում հետագա գործողությունների համար:

«Ժողովուրդ» օրաթերթը եւս տարբեր երկրների օրինակով փորձել է վիզա ստանալու «այդ մութ եղանակից օգտվել»:

Միայն մեկ ժամվա ընթացքում Ֆրանսիայի դեսպանատանը հունվարի վերջին հերթ ստանալու համար մեզ հետ կապ



վեցին շուրջ 7 հոգի: Գների սահմանը տատանվում էր 25000-30000 դրամի սահմաններում: Իսկ եթե ցանկանում ենք ավելի մոտ օր, օրինակ՝ դեկտեմբերին, այն կարծես ավելի թանկ, քանի որ հավելյալ ռեսուրսներ է պահանջում: Մեր զրուցակիցների խոսքից պարզ դարձավ նաեւ մեկ այլ բան. եթե, օրինակ, մի երկրի դեսպանատուն գերծանրաբեռնված է, կարող են ավելի հեշտ ու համեմատաբար ավելի նոսր հերթեր ունեցող դեսպանատուն ամրագրել վիզա ստանալու հերթ, ստանալ Շենգեն վիզա ու այցելել այնտեղ, որտեղ ուզում են, սա-

կայն ցանկալի է՝ առաջինն այցելել եվրոպական այն երկիրը, որի դեսպանատուն դիմել են:

«Ժողովուրդ» օրաթերթը կապ հաստատեց Ֆրանսիայի դեսպանատուն՝ հասկանալու, թե արդյոք իրենք վերահսկում են այս ամենը, ինչու օրերի քանակը հավուր պատշաճի չի տրամադրվում քաղաքացիներին: Մեզ պատասխանեցին, որ բանավոր ոչ մի հարցի պատասխանել չեն կարող, միայն նշեցին, որ օրեր տրամադրում են, պարզապես ծանրաբեռնվածությունը մեծ է:

ՍԱՐԻԱՍ ՂԱՋԱՐՅԱՆ

ՕՐՎԱ ԽՃԱՆԿԱՐ

ԵՎԱՆԵՆ ԱՐՑԱԽՅԻ ՓՈՔՐԻԿՆԵՐԸ

Երեւանում ակտիվորեն ընթանում են ամանորյա գարդարանքների աշխատանքները: Պարբերաբար քաղաքում փողոցներ կամ փողոցի տարբեր հատվածներ փակվում են ամանորյա լուսավորությունն ապահովելու համար: Նշենք, որ այդ լուսավորության համար համայնքային բյուջեից տրամադրվել է 202406000 ՀՀ դրամ՝ ներառյալ ԱԱՀ:

Անցած տարի քաղաքի տոնական լույսերը միացվեց «Մանկական Եվրատեխնո 2023-ի» բացման արարողությանը, որը ընթանում էր հենց Հանրապետության հրապարակում:

Իսկ այս անգամ էրբ են վառվելու լույսերը. քաղաքապետարանն այս առումով լռում է, դեռեւս հստակ որոշում չկա:

«Ժողովուրդ»-ի աղբյուրները փոխանցում են, որ այս տարի հապարակում լույ-

սերը վառելու են արցախցի փողոցները քաղաքապետ Տիգրան Ավինյանի հետ:

ԲԱՔՈՒՆ ՀՆԱՎԱՏՈՒՄ Է

Բաքուն հավատում է Ադրբեջանի եւ Հայաստանի միջև խաղաղ գոյակցության հնարավորությանը: Սկսվելու է ԱՀԿ նախարարական 30-րդ համաժողովի ժամանակ այս մասին հայտարարել է Ադրբեջանի արտգործնախարար Ջեյհուն Բայրամովը:

«Չնայած ավերածություններին ու չսպիացած վերքերին՝ հենց Ադրբեջանն է նախաձեռնել Հայաստանի հետ միջպետական հարաբերությունների կարգավորման գործընթացը», - ասել է Բայրամովը՝ նշելով, թե այլ սուբյեկտների կողմից նախաձեռնվող աշխարհաքաղաքական ինտրիգների շարունակությունն անարդյունավետ է եւ միայն ծառայում է խաղաղ գործընթացի ձգձգմանը:

Նա նշել է, թե Բաքուն հստակ հանձնառու է խաղաղությանը, թեւե գործընթացը ձգձգվում է:

«ՀԱՅԱՔՎԵՆ» ԱԺ-ՈՒՄ

«ՀայաՔվե» քաղաքացիական օրենսդրական նախաձեռնության հեղինակած նախագիծը հաջորդ շաբաթ՝ երկուշաբթի, կքննարկվի Ազգային ժողովի պետական-իրավական հարցերի մշտական հանձնաժողովում: Նախագիծը հանձնաժողովում ներկայացնելու է «Հայաստան» խմբակցության քարտուղար Արծվիկ Միսայանը:

«ՀայաՔվե» նախաձեռնության օրենքի նախագիծը փոփոխություններ է առաջարկում Քրեական օրենսգրքում, որով խիստ պատիժ է նախատեսում Լեռնային Ղարաբաղի ինքնորոշումից հրաժարվելու եւ Հայոց ցեղասպանության նշանակությունը նսեմացնելու համար: Երկուշաբթի օրը ԱԺ պետաիրավական հանձնաժողովը դրական կամ բացասական եզրակացություն պետք է տա:

Անկախ եզրակացությունից՝ նախագիծը ընդգրկվելու է Ազգային ժողովի լիազորմար նիստերի օրակարգ:



ՊԱՐԶԿԵԼ Է

ՊԱՐՏԱՊԱՆԻ ԽՆԱՄԻՆ ՈՒ ՄՊԱՌՆԱԼԻՔՆԵՐԸ

«Ժողովուրդ» օրաթերթի փոխանցմամբ ՀՀ բննչական կոմիտեի Արմավիրի մարզային բննչական վարչությունում իրականացված բննչական եւ վարուքային անհրաժեշտ գործողությունների արդյունքում դարգվել են ինքնիշխանության, հոգեկան ներգործության, մարդուն առեւանգելու, աղտոտիկ կերպով ռազմամթերք ձեռք բերելու, դահեղու, կրելու դեղի հանգամանքները:

Քննությամբ հիմնավորվել է, որ էջմիածին քաղաքի բնակիչ Ա.Ու.-ն խաչվար գյուղի բնակչից գնել է «Վազ 21010» մակնիշի ավտոմեքենա, որի համար արժեքի մի մասը վճարել է, իսկ մյուս մասը՝ 300 000 դրամի չափով, մնացել է պարտք:

Արմավիրի մարզի Արշալույս գյուղի 32-ամյա բնակիչ Ա.Յ.-ն, տեղեկանալով, որ Ա.Ու.-ն գումարը չի տալիս, որոշել է իր ընկեր, էջմիածին քաղաքի 34-ամյա բնակչի՝ Ա.Ա.-ի հետ խմբի կազմում Ա.Ու.-ից 300.000 դրամ պարտք գումարը վերադարձնել ստիպելու նպատակով վերջինիս հետ խնամիական կապերի մեջ գտնվող Ա.Չ.-ին առեւանգել:

Այդ նպատակով 2022թ. հունիսի 16-ին՝ ժամը 22:00-ի սահմաններում, Ա.Յ.-ն եւ Ա.Ա.-ն, նախնական համաձայնությամբ, խաբեությամբ, վստահությունը չարաչափելու եղանակով էջմիածին քաղաքի Չարենցի փողոցից գումարային հարցերը պարզաբանելու համար նստել են Ա.Չ.-ի կողմից վարվող «Վազ 2109» մակնիշի ավտոմեքենան: Ապա Ա.Յ.-ն, Ա?Չ?-ի կամքին հակառակ, կացնի ցուցադրմամբ վերջինիս դիմադրությունը ճնշելով, սպանության սպառնալիքներ տալով, ստիպել են ավտոմեքենան վարել էջմիածին քաղաքի Չոբանքարա կոչվող տարածքում գտնվող առանձնատուն, վերցրել ավտոմեքենայի բանալիները եւ բջջային հեռախոսը, նրան զրկել փախուստի դիմելու հնարավորություններից: Դրանից հետո խնամու՝ Ա.Ու.-ի գտնվելու վայրը պարզելու նպատակով Ա.Ա.-ն ձեռքերով հարվածներ է հասցրել Ա.Չ.-ի մարմնի տարբեր մասերին:

Շարունակելով հանցավոր գործողությունները՝ Ա.Յ.-ն իր ընկեր Ա.Ա.-ի հետ Ա?Ու.-ին պարտքը վերադարձնել ստիպելու համար վերջինիս կողմից վերաորոգվող եւ նրա տան բակում կայան-



ված՝ սեփականության իրավունքով այլ անձի պատկանող «Տոյոտա» մակնիշի ավտոմեքենան, առանց սեփականատիրոջ կամքը հաշվի առնելու, նրան տեղյակ պահելու, 2022թ? հունիսի 17-ին իրենց հայեցողությամբ ավտոքարշակով տեղափոխել են Արմավիրի մարզի Առատաշեն համայնք՝ կատարելով ինքնիրավչություն եւ ավտոմեքենայի սեփականատիրոջը պատճառելով գույքային վնաս:

Բացի այդ, Ա.Յ.-ն քննությամբ դեռեւս չպարզված ժամանակահատվածում եւ

հանգամանքներում ապօրինի կերպով ձեռք է բերել եւ դեպքի օրն իր պայուսակում ապօրինի պահել է ռազմամթերք հանդիսացող, գործարանային արտադրության «Մ-75» տեսակի մարտական բեկորային նռնակ՝ իր պայթուցիչով, որը խուզարկությամբ հայտնաբերվել է առգրավվել է:

Նախաքննությունն ավարտվել է, եւ վարույթի նյութերը՝ մեղադրական եզրակացությամբ, ուղարկվել են դատարան:

ՔՆՆՐ ՄԱՆՈՒԿՅԱՆ

ԲԱՅԱՅԱՅՏՈՒՄՆԵՐ

ՈՒՏՈՒՎՆ ՈՒ ԻՐԱՎԱՊԱՇՆԵՐԸ

Քրեական հեղինակություն Յուրի Ուտուեին մեղադրանք է առաջադրվել: «Ժողովուրդ» օրաթերթին հայտնի դարձավ, որ պատճառն այն է, որ նա հարձակվել է քաղաքացու վրա՝ հանդիպելու իր հրավերն անտեսելու համար:

Մասնավորապես՝ 2022 թվականի հուլիսի 25-ի կեսօրին այցելել է Միքայել Սալիբեկյանին պատկանող, Երեւան քաղաքի Յ. Յակոբյան 2/50 հասցեում գործող հացաբուլկեղենի արտադրամաս, որտեղ նույն ընկերության աշխատակցին պատկանող հեռախոսով զանգահարելով Միքայել Սալիբեկյանին՝ առաջարկել է նույն օրը՝ ժամը 21:00-ի սահմաններում, հանդիպել Երեւան քաղաքի Կիեյան 4 շենքի իրեն պատկանող նկուղային հատվածում միաժամանակ ասելով, որ իր հետ մտնող տակի:

Միքայել Սալիբեկյանը, հասկանալով, որ զանգահարողը Կիեյանցի Յուռա մականունով Յուրի Ուտուեին է, ժամը 21:00-ի սահմաններում գնացել է պայմանավորված վայրը: Շենքի նկուղային հատվածում Միքայել Սալիբեկյանը սպասել է, մինչեւ Յուրի Ուտուեյը ընթրի, որից հետո Յուրի Ուտուեին իր զանգերին չպատասխանելու, հանդիպումից խուսափելու եւ իրեն արհամարելու համար ֆիզիկական նեղգործություն է գործադրել Միքայել Սալիբեկյանի նկատմամբ, այն է՝ հարվածներ է հասցրել վերջինիս՝ պատճառելով գլխի, ձախ բազկի, արմնկային հողի, ձախ բազկի, նախաբազկի եւ ձախ սրունքի շրջանների քերծվածքների ձեւով առողջությանը թեթեւ վնասի հատկանիշներ չպարունակող մարմնական վնասվածքներ:

Ք. ՄԱՆՈՒԿՅԱՆ

ՄԵՔԵՆԱՆ ԹԱԼԱՆԵԼ ԵՆ

Նոյեմբերի 28-ին խոշոր չափի գողության դեպք է տեղի ունեցել Տավուշի մարզում: Ժամը 12:30-ին ՅՅ ներքին գործերի նախարարության ոստիկանության իջեւանի բաժին է ահազանգել Աջաջուր գյուղի բնակիչ՝ 42-ամյա Յրանտ Ղալթախյանը եւ հայտնել, որ նոյեմբերի 27-ի ժամը 23:30-ից մինչեւ նոյեմբերի 28-ի ժամը 08:40-ն ընկած ժամանակահատվածում Աջաջուր գյուղում, օգտվելով իրեն պատկանող Audi A4 մակնիշի ավտոմեքենայի դռան բաց լինելու հանգամանքից, հափշտակել են այնտեղ եղած գումարը, հաղորդում է Shamsyan.com-ը:

Տեղում Յ. Ղալթախյանը ոստիկաններին ու ընկնիչներին հայտնել է, որ ավտոմեքենայի սրահի պահոցից անհայտ անձը կամ անձինք գողացել են 1 մլն 320 հազար ՅՅ դրամ, 2450 ԱՄՆ դոլար եւ 120 հազար ՌԴ ռուբլի:

Դեպքի փաստով Տավուշի մարզային քննչական վարչությունում նախաձեռնվել է քրեական վարույթ:

Ոստիկանությունը ձեռնարկում է անհրաժեշտ օպերատիվ հետախուզական միջոցառումներ՝ հանցագործությունը կատարած անձի կամ անձանց ինքնությունը պարզելու, նրանց եւ գողնող հայտնաբերելու ուղղությամբ:

Կայքի տեղեկություններով՝ Յ. Ղալթախյանը երկար տարիներ աշխատել է հայաստանյան հայտնի բանկերից մեկի իջեւանի մասնաճյուղի կառավարիչ:

ՄԵՂԱԴՐԱՆՔ

ԼՔԵԼ ԵՆ ԶՈՐԱՄԱՍԸ

«Ժողովուրդ» օրաթերթին հայտնի դարձավ, որ Գեւորգ Յակոբյանին, Մանուկ Մանուկյանին, Վահե Բաբայանին, Գոռ Ալեքսանյանին մեղադրանք է առաջադրվել այն բանի համար, որ նրանք հայտարարված ռազմական դրության պայմաններում 2020թ.-ի հոկտեմբերի 12-ին, ծառայության վայր ներկայանալու փոխարեն, զինվորական ծառայությունից ժամանակավորապես խուսափելու դիտավորությամբ մեկնել են բնակության վայր եւ մինչեւ 2020թ.-ի նոյեմբերի 18-ը առանց հարգելի պատճառների ժամանակին ծառայության վայր չեն ներկայացել՝ ինքնակամ ծառայությունից բացակայելով 240 ժամից ավելի տեւողությամբ:

Գործով նախաքննության ավարտ է հայտարարվել:

ԿՈՒՎ՝ ԲԱՆՏՈՒՄ

«Ժողովուրդ» օրաթերթին հայտնի դարձավ, որ Միեր Կաղզվանցյանին մեղադրանք է առաջադրվել այն բանի համար, որ նա, հանդիսանալով ՅՅ ԱՆ «Վանաձոր» քրեակատարողական հիմնարկի կալանավոր, պատիժն ի կատար ածող նույն հիմնարկի բնականոն գործունեությունը խոչընդոտելու նպատակով Տիրիթ Քարհանյանի հետ աշխատակիցների հասցեին տվել են սեռական բնույթի հայհոյանքներ, քաջքշել են նրանց, ապա Միեր Կաղզվանցյանը ձեռքին գտնվող սուր, ծակող-կտրող առարկայով հարձակ-

վել է քրեակատարողական հիմնարկի ծառայող Ա. Ավետիսյանի վրա: Նա փորձել դրանով հարվածել նրան, վայր է գցել մահճակալի վրա, ինչի հետեւանքով Արամ Ավետիսյանը վայր ընկնելիս կառչել է նույն վայրում գտնվող Գեւորգ Թովմասյանի հագուստներից: Վերջինս ինքնիշխան վայր է ընկել Արամ Ավետիսյանի կրծքավանդակին, որի պատճառով նրա առողջությանը պատճառվել է առողջության միջին ծանրության վնաս: Երբ կրկին ցանկացել է նույն սուր, կտրող-ծակող առարկայով հարվածել Արամ Ավետիսյանին, այդ պահին Եղիշե Քոչինյանը միջամտել է, ու նշված սուր, կտրող-ծակող առարկան դիպել է նրան եւ պատճառել առողջության թեթեւ վնասի հատկանիշներ չպարունակող մարմնական վնասվածք:

ՔՆՆՐ ՄԱՆՈՒԿՅԱՆ

● Ըստ ոստիկանության տվյալների՝ նոյեմբերի 29-ից 30-ը Յայաստանի Յանրապետությունում բացահայտվել է հանցագործության 60 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԱՃԱԿԵՐՏՆԵՐԻ ԹԻՎՆ ԱՎԵԼԱՑԵԼ Է

Փաստացի շուրջ 350 բնակիչ ունեցող Աղավնավանք գյուղը գտնվում է Դիլիջան քաղաքից 22 կմ հեռավորությամբ, այն հասարակական տրանսպորտով կապված է համայնքի կենտրոն Դիլիջան քաղաքի եւ Տավուշի մարզկենտրոն Իջևանի հետ: Աղավնավանքում բնակվում են 1980-ական թվականների վերջին Արթուրյանի տարբեր բնակավայրերից բռնազարթած մեր հայրենակիցները: Աղավնավանք բնակավայրի վարչական ղեկավար Ալեքսանդր Զարոբյանյանը հայտնեց, որ գյուղում անշարժ գույքի գները հավասար են Դիլիջան քաղաքի անշարժ գույքի գներին, Աղավնավանքում 3-4 դասարակ տներ կան, որոնց տերերն այժմ այլ տեղերում են բնակվում: Արցախից վերջերս բռնազարթած 7 ընտանիք հաստատվել է Աղավնավանքում, նրանց մի մասը գյուղում վարձավճարով, մյուսներն առանց վարձի են ապրում: Արցախից բռնազարթած ընտանիքների թվով 5 երեխաները ավելացրել են գյուղի միջնակարգ դպրոցի աշակերտների թիվը՝ այն հասցնելով 43-ի: Բնակավայրի վարչական ղեկավարի վկայությամբ՝ Աղավնավանքի հիմնական խնդիրը խմելու ջուրն է, 60 ընտանիք օգտվում է գյուղում փորված խորքային հորերի ջրից: Այժմ իրականացվող, տարեվերջին ավարտվելիք սուբվենցիոն ծրագրով լուծվելու է գյուղի խմելու ջրի հիմնահարցը: Բնապահպանական մի կազմակերպություն էլ ոռոգման ջրագծի ծրագիր է իրականացնում: Ա. Զարոբյանյանի խոսքերով՝ նախատեսվում է գյուղի գործունեության ճանապարհների փոխարեն 2024 թվականին սուբվենցիոն ճանապարհներ կառուցել:

ԿՄՆԱՆ ՏԱՎՈՒՇՈՒՄ

Տավուշի մարզպետարանից տեղեկացա, որ Արցախից բռնազարթածներից Տավուշի մարզում բնակություն է հաստատել 2970 անձ (780 ընտանիք), որոնցից ներկայումս աշխատանք ունի ընդամենը 36-ը: Մարզպետարանից հայտնեցին նաև, որ Արցախից բռնազարթածները մինչ այժմ Տավուշի մարզում սեփականության իրավունքով բնակարաններ չեն գնել: Տավուշում հիմնական աշխատանք են սեփական բնակարան չունեցող արցախցի բռնազարթածներից քանի՞սը կրնի արտագաղթի ճամփան:

ՏՈՆԱԾԱՌ՝ ՏԱՐԵՄՈՒՏԻՑ ԱՌԱՋ

Նոյեմբերի 30-ին Դիլիջան քաղաքի կենտրոնական խաչմերուկում միջպետական ավտոճանապարհին, տոնածառ տեղադրվեց: Դիլիջան համայնքի ԶՊ-ական ղեկավար Դավիթ Սարգսյանի համար էական չէ, որ մինչ տարեմուտ մեկ ամիս ժամանակ կա, որ Դիլիջանի քաղաքում եւ համայնքի 6 գյուղերում բազմաթիվ չլուծված հիմնախնդիրներ գոյություն ունեն, նրա համար կարևորը միջպետական ավտոճանապարհի մեջտեղում վաղաժամ տեղադրված տոնածառն է, որին ոչ մի երեխա չի կարող մոտենալ:

ՈՍԿԱՆ ՍԱՐԳՍՅԱՆ Տավուշ

ՀԱՅՏՆԻ Է

ՎԻՄՆԱՆՈՐՈՔՎՈՂ ԵՎ ՎԵՐԱԿԱՌՈՒՑՎՈՂ ԳՊՐՈՑՆԵՐ

«Ժողովուրդ» օրաթերթի փոխանցմամբ՝ ՀՀ կառավարության վերջին նիստում գործադիր հավանության է արժանացրել «Մինչև 2026 թվականը կառուցվող, հիմնանորոգվող կամ վերակառուցվող 300 դպրոցների» ծրագրում ընդգրկված ուսհաստատությունների ցանկը եւ դրանց համար սահմանված շինարարական աշխատանքների կառուցման, վերակառուցման կամ հիմնանորոգման համար միջամասնաբյուջայից ֆինանսավորման չափորոշիչները: Այս մասին «Ժողովուրդ» օրաթերթը տեղեկանում է ԿԳՄՍ-ից:

«ՀՀ կրթության՝ մինչև 2030 թվականի զարգացման պետական ծրագիրը» հաստատելու մասին» օրենքից բխող գործողությունների ծրագրով նախատեսվում է հանրակրթական ուսումնական հաստատությունների շենքային պայմանների բարելավում, այդ թվում՝ սեյսմիկ անվտանգության ապահովում, փոքրաքանակ աշակերտական համակազմ ունեցող բնակավայրերում մոդուլային դպրոցական շենքերի կառուցում, ըստ անհրաժեշտության՝ հիմնանորոգման, վերակառուցման այլ աշխատանքներ: Մինչև 2030 թ. նման աշխատանքներ նախատեսվում է իրականացնել 400 դպրոցում (2026 թ. թիրախը՝ 300 դպրոց):

Դպրոցական շենքերի եւ կոմունալ ենթակառուցվածքների պատշաճ ապահովման նպատակով առաջիկա տարիներին նախատեսվում է վերակառուցման, հիմնանորոգման եւ կառուցման աշխատանքներ իրականացնել 300 դպրոցում, որի նպատակն է ապահովել որակյալ կրթական ծառայությունների հասանելիություն ՀՀ բոլոր մարզերում եւ երեւանում:

Դպրոցական միջավայրին առնչվող մի շարք գործոնների կարգավորման շնորհիվ, որպես հետևանք, կարճանագրվեն կրթական բարելավված արդյունքներ: Բնակավայրերը կունենան կրթական ժամանակակից շենքային պայմաններ՝ ապահովված համապատասխան լաբորատորիաներով, մարզադահլիճներով եւ այլ անհրաժեշտ ենթակառուցվածքներով:



Կբարելավվի դպրոցական շենքերի եւ կոմունալ ենթակառուցվածքների ֆինանսական վիճակը (դպրոցական գույք, մարզագույք, գրադարանային գույք, ՏՀՏ սարքավորումներ, լաբորատորիաներ): Առաջնահերթություն է բոլոր դպրոցներում լաբորատոր ենթակառուցվածքների ստեղծումը, ինչը կարող է լավ նախադրյալ լինել բնագիտական ուղղությամբ կրթության որակի եւ արդյունավետության բարելավման համար հանրակրթության նոր չափորոշյով կարողունակությունները զարգացնելու վրա հիմնված կրթություն իրականացնելու նպատակով: Գյուղական բնակավայրերի հաստատությունները կընդլայնեն իրենց նշանա-

կությունը՝ գործելով իբրեւ համայնքային կենտրոն, ապահովելով բնակավայրի մշակութային, մարզական, ժամանցային միջավայրերն ու ենթակառուցվածքները: Կրթական գործընթացի կազմակերպման արդյունավետության տեսանկյունից կգործեն կրթահամալիրներ, որտեղ, հանրակրթական ծրագրերից զատ, կարող են իրականացվել նաև նախադպրոցական, անհրաժեշտության դեպքում՝ արհեստագործական, լրացուցիչ կրթական ծրագրեր: Կապահովվի նաև մարզադահլիճների եւ խաղահրապարակների առկայությունը, որոնք կհագեցվեն անհրաժեշտ գույքով:

ԱՆՑՈՒԴԱՐՁ

ԲԵՌՆԱՏԱՐՆԵՐԸ՝ ՃԱՆԱՊԱՐԿԻՆ

«Վերին Լարս» անցակետում ավելի քան 3 200 բեռնատար սպասում է ռուս-վրացական սահմանով անցնելուն: «Ժողովուրդ» օրաթերթի փոխանցմամբ՝ այս մասին հաղորդում է Sputnik գործակալության վրացական ծառայությունը՝ վկայակոչելով Հյուսիսային Օսիայի ճանապարհային երթուղիության կազմակերպման կենտրոնի հաղորդագրությունը:

Բեռնատարների անցումը Գուրաուրի-Կոբի հատվածով արգելված էր նոյեմբերի 26-ից մինչև 29-ը եղանակային պայմանների պատճառով, ինչի հետևանքով էլ հերթ է գոյացել:

Ղեկտեմբերի 1-ի առավոտյան ռուսական կողմից Վրաստան մուտք գործելու է սպասում, ընդհանուր առմամբ, 3 236 բեռնատար:

Կատարված մաքրման աշխատանքների շնորհիվ նոյեմբերի 29-ի երեկոյան հնարավոր է եղել վերականգնել կցորդիչով եւ կիսակցորդիչով փոխադրամիջոցների երթուղիները:

Մցխեթա-Ստեփանծմինդա-Լարս ավտոմայրուղին՝ այսպես կոչված ռազմավարական ճանապարհը, ներկայումս Վրաստանն ու Հայաստանը Ռուսաստանի հետ կապող միակ ցամաքային ճանապարհն է: Իսկ «Կազբեգի-Վերին Լարս» անցակետը Վրաստանի եւ Ռուսաստանի ցամաքային սահմանին ներկայումս գործող միակ անցակետն է:

ԱՆՈՄԱԼ ՏԱՔ ԳԵԿՏԵՄԲԵՐ

Հայաստանում ղեկտեմբեր ամսին սպասվում է տաք, բայց տեղումնառատ եղանակ: «Ժողովուրդ» օրաթերթի փոխանցմամբ՝ այս մասին տեղեկացրել է Շրջակա միջավայրի նախարարության հիդրոօդերևութաբանության եւ մոնիթորինգի կենտրոնի տնօրենի տեղակալ Գագիկ Սուրենյանը «Ֆեյսբուք» սոցիալական ցանցի իր էջում կատարած գրառման միջոցով:

Նշվում է, որ ղեկտեմբերին օդի ամսական միջին ջերմաստիճանը կանխատես-

վում է նորմայից բարձր 4-5 աստիճանով, տեղումների քանակը՝ նորմային մոտ:

«Սպասվում է անոմալ տաք եւ բավարար տեղումներով ղեկտեմբեր», - գրել է Գագիկ Սուրենյանը:

Միայն վառելիքի հանածո տեսակների օգտագործումից լիովին հրաժարվելը մարդկությանը թույլ կտա հասնել գլոբալ տաքացման զսպման ըստ Ցեխիուսի 1,5 աստիճանի մակարդակի վրա, որն ամրագրված է Փարիզի կլիմայի համաձայնագրով: «Ժողովուրդ» օրաթերթի փոխանցմամբ՝ այս մասին հայտարարել է ՄԱԿ-ի գլխավոր քարտուղար Անտոնիո Գութերեշը՝ դիմելով Դուբայում ՄԱԿ-ի կլիմայի փոփոխության 28-րդ համաժողովի մասնակիցներին:

«Գիտությունը միանշանակ ասում է՝ 1,5 աստիճանի սահմանն իրական է, միայն եթե մենք, ի վերջո, դադարենք այրել ամբողջ հանածո վառելիքը, ոչ թե կրճատենք (դրա օգտագործումը), ոչ թե նվազեցնենք, այլ աստիճանաբար հրաժարվենք՝ հաշվի առնելով հստակ ժամանակային շրջանակները», - նրա խոսքերն է մեջբերում «ՏԱՍՍ»-ը:

● Անցած 1 օրվա ընթացքում Հայաստանի Հանրապետությունում արձանագրվել է 10 ՃՏՊ. 13 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԱՆՅՈՒԴԱՐՁ

ԲՅՈՒՋԵՆ ՈՒ ԱՆՄԻՏ ԾԱԽՍԵՐԸ

2023 թվականի դեկտեմբերի 26-ին Երեւան քաղաքի ավագանու հերթական նիստում քննարկվելու է 2024 թվականի Երեւան քաղաքի բյուջեի նախագիծը:

Գաղտնիք չէ, որ քաղաքական իշխանությունները հազվիվազ ձայն մուրալով եկան եւ դարձան քաղաքագլուխ, իսկ այժմ ունեն լուրջ խնդիրներ՝ կապված քաղաքի բյուջեի հետ:

Ըստ ներկայացված նախագծի՝ Երեւան քաղաքի 2024 թվականի բյուջեն չի բավականացնում քաղաքի կարիքները հոգալու համար: Բյուջեի նախագծով կանխատեսվում է եկամուտների գծով 96 մլրդ 654 մլն դրամ, ծախսերի գծով՝ 96 մլրդ 932 մլն դրամ, դեֆիցիտը կկազմի 278 մլն 452 հազ. դրամ:

Հավելենք նաեւ, որ հիմք ընդունելով ՀՀ 2024 թվականի պետական բյուջեի նախագծով նախատեսված ցուցանիշները՝ նախագծով ծրագրվել են 10 մլրդ 125 մլն 186 հազ. դրամի չափով պաշտոնական դրամաշնորհներ:

Այդ դրամաշնորհը տրամադրվելու է Արեւելյան Եվրոպայի էներգախնայողության եւ բնապահպանական գործընկերության աջակցությամբ՝ իրականացնելու «Երեւանի 10 էներգաարդյունավետության» ծրագիրը: Քաղաքի բյուջեից կարելի է մաղել բոլոր հնարավոր ոչ պետքական ծախսերը եւ ուշադրություն դարձնել ավելի առաջնային խնդիրներին:

ՀՈՒՄԱՆԻՏԱՐ ՕԳՆՈՒԹՅՈՒՆ՝ ՄՈՍԿՎԱՅԻՑ

Ռուսաստանի Դաշնությունում մարդու իրավունքների հանձնակատար Տատյանա Մոսկալկովայի «Սրտից սիրտ» ակցիայի շրջանակներում Լեռնային Ղարաբաղից բռնի տեղահանվածների համար հավաքագրված մարդասիրական օգնությունը Մոսկվայից ուղարկվել է Հայաստան:

«Ժողովուրդ» օրաթերթի փոխանցմամբ՝ «ՏԱՍՍ»-ը հաղորդում է, որ աջակցությունը հավաքվել է՝ Ռուսաստանի հայերի միության կողմից օմբուդսմենին ուղղված դիմումի համաձայն, «Մոլորակ», «Վերածնունդ եւ հույս» հիմնադրամների եւ Ժողովուրդական ճակատի աջակցությամբ:

«Մարդասիրական օգնությունն այն մարդկանց համար է, որոնք հայտնվել են կյանքի դժվարին իրավիճակում՝ Լեռնային Ղարաբաղից գալով Գյումրի, Երեւան: Ներառված են անկողնային պարագաներ, ներքնակներ, հիգիենայի պարագաներ երեխաների համար, որոշակի կենցաղային տեխնիկա, պահածոյացված շոգեխաշած միս, բացվող մահճակալներ: Կարծում եմ այս ամենն օգտակար կլինի», - ասել է Մոսկվայից:

Բացի այդ, նա հայտնել է իր պատրաստակամությունը՝ օգնելու ամառուրյա միջոցառումներ կազմակերպել Լեռնային Ղարաբաղից երեխաների համար, եթե նրանք գնան Ռուսաստան:

«Որովհետեւ մարդու իրավունքները եւ գթասրտության առաքելությունն անբախտելիորեն կապված հասկացություններ են», - հավելել է Մոսկվայից:

«ԱՐԴՉԻՆԲԱՆԿ»

ՀԱՅԱՍՏԱՆՈՒՄ ՃԱՆԱԶՎԵԼ Է ՏԱՐՎԱ ԲԱՆԿ

Financial Times Group-ի The Banker միջազգային ֆինանսական առաջատար դարբերականը «Արդիներանկ»-ը ճանաչել է 2023 թ. «Տարվա բանկը» Հայաստանում: Ֆինանսական հաստատությունները գնահատվել են կասարդականի բազմաթիվ չափանիշներով՝ ներառյալ ցուցանիշների աճը, բախտաբերությունը, գործառնական արդյունավետությունը, ակտիվների որակը, իրացվելիությունը, հուսալիությունը եւ այլն:

The Banker-ի խմբագիր Ջոյ Մաքնայթի շնորհավորական ուղերձում մասնավորապես ասվում է. «Շնորհավորում եմ «Արդիներանկ»-ին Հայաստանում «Տարվա բանկ» մրցանակը ստանալու համար: Թվայնացման եւ կազմակերպման արդյունավետությունը բարձրացնելու՝ «Արդիներանկ»-ի նպատակաուղղվածությունը այն առավել ընդգծված է դարձրել իր մրցակիցների նկատմամբ: Օրինակ՝ բանկը վարկավորման գործընթացի արդյունավետությունը բարելավելու համար հաջողությամբ ներդրել է վարկային ռիսկի գնահատման՝ արհեստական ինտելեկտի վրա հիմնված համակարգ:

Անդրադառնալով մրցանակի ստացմանը՝ «Արդիներանկ»-ի վարչության նախագահ Արտակ Անանյանը նախ շնորհակալություն է հայտնել The Banker հեղինակավոր ամսագրին բանկի գործունեության բարձր գնահատականի համար. «The Banker ամսագիրը չորրորդ անգամ ճանաչում է «Արդիներանկ»-ի առաջատարությունը հայաստանյան ֆինանսական շուկայում: Ես մեր ձեռքբերումները վերագրում եմ լավ մշակված բիզնես մոդելին, որը հիմնված է ոչ միայն կապիտալի եւ ռիսկերի արդյունավետ կառավարման քաղաքականության, ծախսերի վերահսկման եւ ֆինանսական կատարողականի, այլեւ ակտիվ թվայնացման, ինչպես նաեւ հաճախորդների անընդհատ



փոփոխվող կարիքներին արագ արձագանքելու պատրաստակամության վրա: Մենք ձգտում ենք նրանց տրամադրել նորարարական ֆինանսական լուծումներ եւ կառուցել վստահելի հարաբերություններ»:

Նշենք, որ այս պատվավոր մրցանակը «Արդիներանկ»-ի այս տարի նվաճած արդեն 6-րդ մրցանակն է:

Հիշեցնենք, որ 2023 թ. «Արդիներանկ»-ը ճանաչվել է «Լավագույն բանկ», «Լավագույն կորպորատիվ բանկ» եւ «Լավագույն ESG բանկ (լավագույնը սոցիալական, էկոլոգիական պատասխանատվության եւ կորպորատիվ կառավարման մեջ)» հեղինակավոր Euromoney ամսագ-

րի կողմից: Միեւնույն ժամանակ, «Արդիներանկ»-ի Private Banking-ը լավագույնն է ճանաչվել Հայաստանում՝ ըստ Global Banking & Finance Review ամսագրի, իսկ Asian Banking & Finance ամսագիրը «Արդիներանկ»-ը ճանաչել է «Լավագույն մանրածախ բանկ Հայաստանում»:

The Banker ամսագիրը Financial Times Group-ի մաս է եւ հրատարակվում է 1926-ից: Ամսագիրը տնտեսական եւ ֆինանսական վստահելի տեղեկատվություն է տրամադրում ֆինանսական աշխարհին՝ ներառյալ ավելի քան 5000 բանկերի, ինչն օգնում է համեմատել աշխարհի տարբեր բանկերի ֆինանսական հզորությունը եւ հուսալիությունը:

ՄԱՔՍԱԶԵՐԾՈՒՄ

ԺԱՄԱՆԱԿԱՎՈՐ ՆԵՐՄՈՒԾՎԱԾ ՄԵՔԵՆԱՆԵՐ

«Ժողովուրդ» օրաթերթի սեղեկություններով կառավարության որոշմամբ՝ ԵԱՏՄ անդամ չհանդիսացող ղեկություններից ֆիզիկական անձանց կողմից անձնական օգտագործման համար Հայաստանի Հանրապետություն ժամանակավոր ներմուծված՝ ԱՏԳ ԱՍ 8703 առդանգային դիրքին դասվող թեթեւ մարդասար ջրանդրային միջոցների ազատ արտահանության համար ներմուծման դեղֆուն բաղաձայնները կարող են օգտվել ղեկական աջակցության ծրագրից:

Ուլթեր կարող են օգտվել աջակցությունից

ՊԵԿ-ից տեղեկացնում են, որ միասնական դրույքաչափով վճարվող մաքսատուրքերի եւ հարկերի մասնակի փոխհատուցում կտրվի ՀՀ կամ ԵԱՏՄ անդամ այլ երկրների այն քաղաքացիներին (շահառուներ), որոնք մինչեւ 2023 թվականի դեկտեմբերի 4-ը ներառյալ ժամանակավոր ներմուծման նպատակով երրորդ երկրներից ներմուծել են թեթեւ մարդասար տրանսպորտային միջոց եւ դեկտեմբերի 5-ից դեկտեմբերի 30-ը ընկած



ժամանակահատվածում դրանք կմաքսագրեն Հայաստանում:

Որքան է փոխհատուցման չափը

Մինչեւ 5 տարի թողարկման տարեթիվ ունեցող ավտոմեքենաների մասով փոխհատուցվում է վճարման ենթակա գումարի 40%-ը, այսինքն՝ շահառուն վճարում է

60%-ը, իսկ պետությունը փոխհատուցում է մնացած 40%-ը: Հինգ տարուց ավելի թողարկման տարեթիվ ունեցող ավտոմեքենաների մասով փոխհատուցվում է վճարման ենթակա գումարի 70%-ը, այսինքն՝ շահառուն վճարում է 30%-ը, իսկ պետությունը փոխհատուցում է գումարի մնացած 70%-ը:

Ինչպե՞ս իրականացնել մաքսագրծումը

Մաքսային ձեւակերպումներն իրականացնելու համար, 2023 թվականի դեկտեմբերի 5-ից սկսած, շահառուները կարող են այցելել Գյումրի քաղաքում գտնվող Հյուսիսային մաքսատուն-վարչություն (հասցե՝ ք. Գյումրի, Խրիմյան Հայրիկի փողոց, 2/14):

Անհրաժեշտ է, որ շահառուն մաքսատուն ներկայանա անձամբ անձը հաստատող փաստաթղթով, ներկայացնի ժամանակավորապես ներմուծված տրանսպորտային միջոցը, վերջինիս տեխնիկական անձնագիրը, ժամանակավոր ներմուծման ժամանակ կազմված մաքսային մուտքի օրդերը եւ, առկայության դեպքում, տրանսպորտային միջոցին վերաբերելի այլ առկա փաստաթղթերը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ԿԱՐԾԻՔ

ԱՐՑԱԽ

ԵՐԲ ԱՎԱՐՏՎԵՑ ՆՈՐ ՏԱՐԻՆ

«Գեռ չեմ մտածել Ամանորին դաս-  
րասվելու մասին, քանի որ բաց հարցեր  
ու խնդիրներ կան, ու սրամաղրություն  
չկա Նոր Տարի ներքո: Երեւի այն մեզ  
համար սովորական մի օր կլինի»,  
«Ժողովուրդ» օրաթերթի հեռուստացու-  
ման և Արցախի բռնի տեղահանված  
Գայանե Ենգիբարյանը:

Գայանեն հիշում է, որ մինչև Արցախի  
կիսավերջ մեծ ուրախությամբ էին դիմավոր-  
ում Նոր տարին: Փորձում էին՝ ամեն տա-  
րի տարբերվող լինի թե՛ սեղանի առատու-  
թյամբ, թե՛ տան ու տոնածառի զարդա-  
րանքով: Պատերազմից հետո՝ 2021թ.,  
շատ համեստորեն դիմավորեցին. ասում  
է՝ ամբողջ քաղաքն այդ օրերին լուռ ու  
անզարդ էր:

«2020 թվականից հետո, երբ վերադար-  
ձանք Ստեփանակերտ, դեռ քաղաքը քա-  
րուքանդ վիճակում էր, ամենուր որոն-  
ողափրկարարական աշխատանքներից  
իմանում էինք, որ ինչ-որ մեկի աճյունը  
կամ մարմնի մասունքը համընկել է ծնո-  
ղի, որդու ԴՆԹ-ի պատասխանի հետ: Այդ  
պայմաններում, անտեսելով հարեանի  
կամ հարազատի վիշտը, ու ասել, որ ես  
Նոր տարի եմ նշում, թեկուզ միայն երե-  
խաների համար, միեւնույնն է, ճիշտ չէր  
լինի: Այդ իսկ պատճառով այդ տարի ոչ  
միայն մենք, այլև բոլոր արցախցիները  
Նոր տարի չնշեցին: 2022թ., 2023թ. փոր-  
ձում էինք ընդամենը երեխաներին ուրա-  
խացնել: Կարծում եմ՝ Նոր տարին մեզ  
համար ավարտվեց 2020 թվականին»,  
ասում է մեր զորուցակիցը:

Մեր զորուցակիցը պատմում է, որ երե-  
խաները դեռ լիիրավ չեն պատկերացում



իրավիճակը, եւ նրանց մոտ այն զգացո-  
ղությունն է, որ սովորական այցելություն  
է Երեւան:

«Երեխաներս այն զգացողությունն ու-  
նեն, որ երբ ուզենք, գնալու ենք Արցախ՝  
մեր տուն: Ձմեռ պայկիկն դեռ սպասում  
են ու արդեն հասցրել են նամակ-ցանկու-  
թյուն գրել: Ցանկություններից մեկն էլ Ար-

ցախ վերադառնալն էր», - ասում է տիկին  
Գայանեն:

Գայանե այժմ իր 4-հոգանոց ընտանի-  
քով բնակվում է քաղաք Երեւանում մեկ  
սենյականոց բնակարանում: Պայմանե-  
րից չի բողոքում, ասում է՝ թե՛ն Ստեփա-  
նակերտում ամեն մեկն ուներ իր առանձին  
անկյունը, բայց հիմա մի սենյակում ավելի  
ուրախ ու համերաշխ են:

ԻՐԱԴԱՐՁԱՅԻՆ

ՆԱԽԸՆՏՐՈՒՄ Ե՝  
ԵՐԲՏԱՍԱՐԳՆԵՐԻՆ

85-ամյա Զեյն Ֆոնդան նախընտրում է  
ավելի երիտասարդ սիրելիների: «Օս-  
կարի» դափնեկիրը հարցազրույցներից  
մեկում ասել է, որ եթե Նորից ժամադրու-  
թյան գնա, ապա տղամարդը պետք է 20  
տարեկանից ոչ մեծ լինի:

«Ես ամաչում եմ ասել սա, բայց եթե ես  
սիրելի ունենայի, նա պետք է լիներ 20  
տարեկան», - Զեյն Ֆոնդան Մաքսիմալի «Բա-  
ցարձակապետ ոչ» փոդքաստում ասել է  
Ֆոնդան:

«Ինչո՞ւ հենց 20», - հարցրել է Մաքսի-  
մալը, իսկ դերասանուհին պատասխանել  
է հումորով. «Որովհետեւ ինձ դուր չի գա-  
լիս ծեր մաշկը»:

Ֆոնդայի խոստովանությունը համա-  
ցանցում հակասական արձագանքների է  
արժանացել: «Զեյն Ֆոնդան կարող է դա  
ասել», - նշել է օգտատերերից մեկը: «Ես  
սիրում եմ այս կնոջը. այնքան ազնիվ է եւ  
ծիծաղելի», - գրել է մեկ ուրիշը:

Բայց ոչ բոլորն են գնահատել աստղի  
անկեղծությունը: «Քսան: Ես նրանից  
կրկնակի երտասարդ եմ, բայց կարծում  
եմ՝ 20-ը շատ փոքր է իմ տարիքի հա-  
մար»: «Սա չպետք է լինի նորմալ», - նշում  
են որոշ վրդովված օգտատերեր:

ՈՒՇԱԳՐՈՒԹՅԱՆ  
ԿԵՆՏՐՈՆՈՒՄ

Քանյե Ուեսթն ու Բիանկա Սենտորին  
հերթական անգամ ուշադրության կենտ-  
րոնում են իրենց ծավալուն հանդերձան-



քով: Հայտնի զույգը, ինչպես երեւում է,  
հարաբերությունների կարճատե դա-  
դարից հետո տեղափոխվել է Դուբայ:

Դիզայներ Ամինա Մուսոլիի հետ հա-  
մատեղ pop-up խանութի բացման ժամա-  
նակ Բիանկան ներկայացրել է երկար թե-  
րով շագանակագույն միկրո գգեստով՝  
տեսքը լրացնելով հսկայական մորթյա  
գլխարկով եւ փափուկ խաղալիքով, որը  
սեղմել է կրծքին:

Քանյեն կրում էր ամբողջովին սեւ ան-  
սամբլ՝ կաշվե վերարկու եւ համապա-  
տասխան կոշիկներ:

Բիանկայի անկեղծ հանդերձանը նրա  
վերջին աչքի ընկնող կերպարներից մեկն

է, սակայն շուրջ «գողացել է» նրա մորթե  
գլխարկն ու փափուկ խաղալիքները:

Բոլորովին վերջերս խոսվում էր այն  
մասին, որ ռեփերը խզել է հարաբերու-  
թյունները Բիանկայի հետ Մելբուրն կա-  
տարած ուղեւորությունից հետո, որտեղ  
Սենտորին ժամանակ էր անցկացնում իր  
ընկերների եւ ընտանիքի հետ, իսկ Քան-  
յեն իր դստեր՝ Նորթի հետ Դուբայում էր:

«Բիանկան Դուբայ է ժամանել մի քանի  
օր առաջ», - Us Weekly-ին ասել է աղբյու-  
րը՝ հավելելով, որ Քանյեն ասել էր՝ եթե  
նա չգնար այնտեղ, իրենց հարաբերու-  
թյունները կավարտվեին:

ՄԱՐԶԱԿԱՆ

ՀԱՅԱՍՏԱՆԻ  
ԳՐՈՄՄԱՅՄՏԵՐՆԵՐԸ

Ֆիդե-ի դասակարգման Նոր աղյու-  
սակում Հայաստանն, ընդհանուր առ-  
մամբ, ունի 7 ներկայացուցիչ:

«Ժողովուրդ» օրաթերթի հաղորդ-  
մամբ՝ դեկտեմբեր ամսվա տղամարդ-  
կանց դասակարգման աղյուսակում  
Հայկ Մարտիրոսյանը 54-րդն է, Գաբրի-  
ել Սարգսյանը՝ 61-րդը, Սամվել Տեր-  
Սահակյանը՝ 97-րդը, Հրանտ Մելքոն-  
յանը 100-րդը:

Հայաստանի հավաքականի նախկին  
առաջատար Լեւոն Արուստամյանը 25-րդն է:

Կանանց վարկանիշային աղյուսա-  
կում Էլինա Ռանիելյանը զբաղեցնում է  
56-րդ, Լիլիթ Մկրտչյանը՝ 75-րդ, եւ Ան-  
նա Սարգսյանը՝ 85-րդ տեղերը:

ԱՌԱՋԱՏԱՐԸ

«ՓՅՈՒՆԻԿՆ» Է

Հայաստանի ֆուտբոլի առաջնու-  
թյան առաջատարն անփոփոխ է հեր-  
թական տուրից հետո:

«Ժողովուրդ» օրաթերթի հաղորդ-  
մամբ՝ հայկական Պրեմիեր լիգայի 18-  
րդ տուրից հետո Հայաստանի առաջ-  
նության մրցաշարային աղյուսակի  
առաջատարը մնում է «Փյունիկ»-ը:  
Եղիշե Մելիքյանի գլխավորած թիմն ու-  
նի 46 միավոր:

10-ը միավորով հետ է «Նոա»-ն, որը  
մրցաշարային աղյուսակում երկրորդն  
է: Եվ եռյակը նույնքան՝ 36 միավորով,  
եզրափակում է «Արարատ-Արմենիա»-  
ն:

34 միավոր ունի «Ուրարտու»-ն: 30  
միավորով 5-րդ տեղում «Ալաշկերտ»-ն  
է: Մրցաշարային աղյուսակի վերջնա-  
մասում հաջորդաբար գտնվում են  
«Արարատ»-ը, ԲԿՄԱ-ն, «Շիրակ»-ը,  
«Վեստ Արմենիա»-ն եւ «Վան»-ը:

ԲՈՆՑՔԱՄԱՐՏՆ ՈՒ  
ԵՐԵՎԱՆԸ

Երեւանի «Միկա» մարզահամալի-  
րում ավարտին մոտեցող բռնցքամար-  
տի ավագ տարիքի պատանիների աշ-  
խարհի առաջնությունում Հայաստանի  
ներկայացուցիչներն ապահովել են 10  
մեդալ:

«Ժողովուրդ» օրաթերթի փոխանց-  
մամբ՝ քառորդ եզրափակիչների արդ-  
յունքներով աշխարհի պատանեկան  
առաջնության կիսաեզրափակիչ են  
դուրս եկել Հեղինե Պետրոսյանը (48  
կգ), տղաների հավաքականից՝ Անտո  
Դարչինյանը (46 կգ), Վաղարշակ Քեյա-  
նը (48 կգ), Տիգրան Հովսեփյանը (50  
կգ), Արեն Խառատյանը (52 կգ), Անդ-  
րանիկ Մարտիրոսյանը (60 կգ), Արգիշ-  
տի Հակոբյանը (66 կգ), Սամվել Սիրա-  
մարգյանը (70 կգ), Ալբերտ Հարություն-  
յանը (75 կգ) եւ Տիգրան Խաչատրյանը  
(+80 կգ):

Նշենք՝ եզրափակիչները նախատես-  
ված են դեկտեմբերի 3-ին եւ 4-ին:

● Դեկտեմբերի 3-ին «Բոհեմ» թատրոնում տեղի կունենա «Դոն ժուան Ավիա Junior» ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



**ԹՈՒՅԼՏՎՈՒԹՅՈՒՆ**

**ՀԱՐՑ. Գործառն ինչո՞ւն է կարող եմ սահմալ մարդասար եւ երթուղային սահմանների ծառայություն իրականացնելու թույլտվություն:**  
*Աշոտ Նավասարդյան (36 տարեկան)*



**ՊԱՏԱՍԽԱՆ.** Համայնքի տարածքում մարդատար եւ երթուղային տաքսիների ծառայության թույլտվության համար անհրաժեշտ է դիմել քաղաքապետարան՝ Առեւտրի եւ սպասարկման բաժին:

*ՀՀ Սյունիքի մարզպետարան*

**«ԺՈՂՎՈՒՐԳ».** Համապատասխան թույլտվությունը տրամադրվում է 2 աշխատանքային օրվա ընթացքում:

**ԿԱՐԳ**

**ՀԱՐՑ. Ի՞նչ կարգով է սրվում մահվան վկայականը:**  
*Սիլվա Բոյաջյան (59 տարեկան)*



**ՊԱՏԱՍԽԱՆ.** Մահվան վկայական ստանալու համար հարկավոր է դիմել ՀՀ ԱՆ ՔԿԱԳ (ԶԱԳԱ) տարածքային բաժին եւ ներկայացնել հետևյալ փաստաթղթերը՝

1. մահվան վկայականը ստացողի անձնագիրը եւ պատճենը,
2. մահացածի անձնագիրը,
3. թաղամասային բժշկի կողմից տեղեկանք՝ մահվան մասին:

*ՀՀ ԱՆ ՔԿԱԳ*

**«ԺՈՂՎՈՒՐԳ».** ՔԿԱԳ բաժնի աշխատակցի կողմից տրվում է դիմումի ձեւ, որը պետք է լրացվի վկայական ստացողի կողմից:

**ԼՈՒՐ ԿԱԴՐ**

*Լուսանկարը՝ համացանցից*



Ակտիվիստ Արթուր Չախոյանը սոցցանցի իր էջում գրում է. «Բարի լույս եւ լավ օր եմ ցանկանում բոլորին, բացի խորիկից:  
 Տեսանյութը երեկոյան կիրապարակեմ»: Այս գրառմանը կից նա նաեւ լուսանկար է հրապարակել:

**ԲԱԺՆՈՐԴԱԳՐՈՒԹՅՈՒՆ**

Մեր թերթը  
 Բաժանորդագրվելու համար կարող եք դիմել

**«Հայմամուլ» ՓԲԸ**  
 հեռ. 45-82-00, 45-19-11

**«Հայկոստ» ՊՓԲԸ**  
 հեռ. 51-45-46, 51-45-47

**«Բլից-Մեդիա» ՍՊԸ**  
 հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**

**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	0 - 5 + 4 + 7
Կոտայքի լեռներ	- 2 - 5 + 4 + 5
Կոտայքի նախալեռներ	- 2 - 5 + 5 + 8
Գեղարքունիք	- 2 - 6 + 3 + 6
Լոռի	- 1 + 4 + 11 + 14
Տավուշ	+ 1 + 6 + 13 + 16
Արագածոտնի լեռներ	- 4 - 6 + 3 + 5
Արագածոտնի նախալեռներ	- 2 - 7 + 6 + 9

Արարատ	- 2 + 1 + 10 + 13
Արմավիր	0 - 3 + 10 + 12
Վայոց ձորի լեռներ	0 - 5 + 2 + 5
Վայոց ձորի նախալեռներ	- 2 + 7 + 10 + 13
Սյունիքի հովիտներ	+ 4 + 8 + 16 + 19
Սյունիքի նախալեռներ	- 2 + 3 + 11 + 15
ԼՂՀ	+ 1 + 6 + 9 + 12
Երեւան	+ 6 + 8 + 10 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Աբովյան 22<sup>ա</sup>/3, հեռ.՝ **010 54-64-23**  
 Պետական գրանցման վկայականի համարը՝ 03Ա089086  
 տրված է 24.11.2010  
 Ստորագրված է տպագրության 1.12.2023  
Պատկերը օգտագործվել է մեզ, ք. Կարմիր, 4 համարում 2021

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: